

MALAYSIA
DEWAN RAKYAT
ATURAN URUSAN MESYUARAT

NASKHAH SAHIIH/BAHASA MALAYSIA

<http://www.parlimen.gov.my>

HARI KHAMIS, 3 DISEMBER 2015, PUKUL 10.00 PAGI

Bil. 61

PERTANYAAN-PERTANYAAN BAGI JAWAB LISAN

1. PR-1333-L71285
Datuk Wira Haji Ahmad bin Hamzah [Jasin] minta **MENTERI KEWANGAN** menyatakan :-
 - (a) jumlah hutang Kerajaan Persekutuan seperti pada 31 Ogos 2015 mengikut sumber dalam dan luar negeri, dan jumlah hutang ekoran dari *off budget, PFI, US dollars denominated debt papers issued off labuan* dan amaun hutang yang dijamin oleh Kerajaan; dan
 - (b) tahap ukuran hutang daripada segi peratus GDP, defisit fiskal dan nisbah bayaran balik hutang berbanding hasil Kerajaan serta usaha-usaha untuk membendung hutang yang terus melonjak ini.
2. PR-1333-L70350
Tuan Wong Tien Fatt @ Wong Nyuk Foh [Sandakan] minta **MENTERI KESIHATAN** menyatakan berapakah tunggakan bayaran atau kerugian dalam hospital awam di seluruh negeri Sabah yang disebabkan oleh Pendatang Asing Tanpa Izin (PATI). Dan apakah kaedah Kementerian untuk mengatasi masalah ini.
3. PR-1333-L70716
Datuk Seri Noh bin Haji Omar [Tanjong Karang] minta **MENTERI TENAGA, TEKNOLOGI HIJAU DAN AIR** menyatakan daripada 700 projek yang tertangguh di Selangor disebabkan masalah air berapa banyak projek yang boleh dilaksanakan selepas perjanjian penstrukturan air Selangor ditandatangani.
4. PR-1333-L71365
Tuan Ignatius Dorell Leiking [Penampang] minta **MENTERI PENDIDIKAN** menyatakan di manakah tapak Sekolah Menengah Baru yang dicadangkan di Upper Moyog, Penampang dan bilakah sekolah menengah tersebut di Upper Moyog, Penampang itu akan dibina.

5. PR-1333-L71216
Dato' Hasbullah bin Osman [Gerik] minta **MENTERI DALAM NEGERI** menyatakan :-
 - (a) pelan tindakan yang telah dirangka bagi membasmi gejala penyelewengan rakyat tempatan yang membuat salinan Mykad bagi mengeluarkan sijil kelahiran palsu; dan
 - (b) apakah prosedur yang dijalankan jika seseorang warga tempatan yang mempunyai kesulitan kewangan tidak mendaftar anaknya sewaktu lahir dan ingin membuat MyKad.
6. PR-1333-L69661
Dr. Che Rosli bin Che Mat [Hulu Langat] minta **PERDANA MENTERI** menyatakan peranan dan pencapaian Perbadanan Tenaga Nuklear Malaysia atau Malaysian Nuclear Power Corporation (MNPC) yang merupakan sebuah entiti di bawah Program Transformasi Ekonomi (ETP) dalam memastikan keperluan tenaga negara.
7. PR-1333-L70503
Dr. Ismail bin Daut [Merbok] minta **MENTERI PERTANIAN DAN INDUSTRI ASAS TANI** menyatakan untuk mengkaji semula syarat-syarat permohonan bantuan sara hidup nelayan supaya golongan nelayan-nelayan kecil tidak tercicir daripada menikmati bantuan tersebut.
8. PR-1333-L70178
Dato' Dr. Nik Mazlan bin Nik Mohamad [Pasir Puteh] minta **MENTERI KERJA RAYA** menyatakan kemajuan dan perbelanjaan terkini daripada Kerajaan mengenai pembinaan lebuh raya lingkaran-tengah "*central-spine*" bagi menghubungkan bandar Kota Bharu dan Kuala Lumpur. Adakah Kerajaan Persekutuan akan menanggung sepenuhnya kos pembinaan termasuk Lebuh Raya Kota Bharu ke Kuala Krai.
9. PR-1333-L69644
Tuan Khoo Soo Seang [Tebrau] minta **PERDANA MENTERI** menyatakan sama ada Kementerian akan menimbang untuk menambah bilangan '*trip shuttle train*' JB-Singapura memandangkan sambutan orang awam terhadap '*shuttle train*' tersebut amat menggalakkan.
10. PR-1333-L69904
Dr. Azman bin Ismail [Kuala Kedah] minta **MENTERI SUMBER ASLI DAN ALAM SEKITAR** menyatakan berapa banyak tanah hutan simpanan kekal yang telah digunakan untuk kegiatan ekonomi. Mohon taburan ikut negeri dan apakah pendirian Kementerian tentang isu ini.
11. PR-1333-L70567
Tuan Anyi Ngau [Baram] minta **MENTERI KEMAJUAN LUAR BANDAR DAN WILAYAH** menyatakan sejauh manakah tugas menaiktarafkan jalan balak dan jalan luar bandar telah dan akan dilaksanakan di sekitar Parlimen Baram bagi tempoh tahun 2015.

12. PR-1333-L70218
Dato' Ngeh Koo Ham [Beruas] minta **MENTERI PENDIDIKAN** menyatakan adakah benar sekolah aliran Bahasa Inggeris akan diwujudkan di bawah MARA. Nyatakan kenapa sekolah Inggeris tidak diwujudkan sebagai satu daripada pilihan untuk semua rakyat.
13. PR-1333-L71575
Tuan Haji Mohd Fasih bin Haji Mohd Fakeh [Sabak Bernam] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan setakat manakah prestasi Kedai Rakyat 1Malaysia (KR1M) yang telah beroperasi di 169 lokasi membabitkan 143 kawasan Parlimen dan nyatakan langkah Kerajaan bagi memperluaskan KR1M ini kepada setiap kawasan Parlimen serta kawasan Dewan Undangan Negeri (DUN) serta sejauh manakah KR1M ini telah membantu menangani kos sara hidup rakyat berpendapatan rendah dan sederhana.
14. PR-1333-L70160
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan adakah pihak Kementerian Pendidikan bercadang menjadikan subjek Pendidikan Islam sebagai subjek teras untuk pelajar Islam, pelajaran moral untuk pelajar bukan Islam memandangkan masalah sosial di kalangan pelajar semakin meruncing.
15. PR-1333-L69856
Dato' Othman bin Aziz [Jerlun] minta **MENTERI KERJA RAYA** menyatakan sejauh manakah kesan Kempen Penggunaan Bayaran Tol secara Elektronik di lebuh raya dapat melancarkan lagi perjalanan pengguna lebuh raya.
16. PR-1333-L70559
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan berapa ramai pekerja telah ditamatkan perkhidmatan dalam menghadapi kemerosotan ekonomi setakat ini.
17. PR-1333-L71271
Datuk Wee Jeck Seng [Tanjong Piai] minta **MENTERI PERDAGANGAN ANTARABANGSA DAN INDUSTRI** menyatakan apakah prestasi pelaburan langsung asing ke Malaysia pada separuh tahun pertama 2015 dan adakah ia telah berkurangan sebanyak 41% berbanding separuh tahun pertama 2014 seperti yang dilaporkan oleh pihak media elektronik.
18. PR-1333-L70948
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PERDAGANGAN ANTARABANGSA DAN INDUSTRI** menyatakan nilai Pelaburan Langsung Asing yang masuk ke Malaysia dari Januari 2015 hingga kini dan nilai Pelaburan Langsung Asing yang keluar dari Malaysia dari Januari 2015 hingga kini.

19. PR-1333-L69810
Dato' Haji Mahfuz bin Omar [Pokok Sena] minta **MENTERI KEWANGAN** menyatakan :-
- (a) apakah status Syarikat AES Solusion yang telah diluluskan penubuhannya oleh Parlimen pada 5 Disember 2013 dengan modal berbayar RM10 juta untuk mengambil alih keseluruhan aset dan operasi Sistem Penguatkuasaan Automatik (AES) daripada pihak swasta; dan
 - (b) berapakah jumlah pampasan atau ganti rugi yang diperoleh oleh pengendali Sistem Penguatkuasaan Automatik (AES) iaitu Beta Tegap Sdn. Bhd. dan Ates (M) Sdn. Bhd. serta siapakah pihak pembayar.
20. PR-1333-L70632
Datuk Haji Datu Nasrun bin Datu Mansur [Silam] minta **PERDANA MENTERI** menyatakan apakah langkah dan usaha yang diambil oleh Kementerian dalam meningkatkan taraf hidup isi rumah B40 dan pekali gini berkurang kepada 0.385 pada tahun 2020.
21. PR-1333-L71524
Dato' Takiyuddin bin Hassan [Kota Bharu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan secara terperinci kesan pelaksanaan GST bermula April tahun ini :-
- (a) ke atas kos menjalankan perniagaan, "margin" keuntungan umum dan sektor-sektor utama yang menerima kesan paling besar; dan
 - (b) ke atas tingkat harga umum pengguna, jumlah dan jenis kegiatan pencatutan yang direkodkan dan langkah-langkah pencegahan yang diambil.
22. PR-1333-L70783
Datuk Rozman bin Isli [Labuan] minta **MENTERI DALAM NEGERI** menyatakan apakah langkah-langkah yang diambil oleh Kerajaan untuk memantau pergerakan keluar masuk pengunjung melalui lapangan terbang Labuan. Ini kerana masa kini hanya pemantauan berkala dilakukan dan membuatkan Labuan boleh dijadikan sebagai *gateway* yang mudah untuk PATI bergerak antara Sabah dan Semenanjung.
23. PR-1333-L70063
Raja Dato' Kamarul Bahrin Shah [Kuala Terengganu] minta **MENTERI PENDIDIKAN TINGGI** menyatakan kenapakah aktiviti serta program-program mahasiswa universiti sekarang hari ini mengalami begitu banyak sekatan dan dikenakan tindakan begitu keras termasuk penggunaan akta yang mempunyai hukuman penjara sehingga setinggi 20 tahun.

24. PR-1333-L70266
Tuan M. Kulasegaran [Ipoh Barat] minta **PERDANA MENTERI** menyatakan :-
- (a) apakah status terkini terhadap penyediaan Pelan Pembangunan Kaum India (*Indian Blueprint*) yang telah diumumkan oleh Kerajaan dalam Rancangan Malaysia Ke-11 yang khususnya untuk menaikkan taraf ekonomi masyarakat India; dan
 - (b) bagaimanakah pelan yang akan dilaksanakan ini dapat mempercepatkan dan membantu kaum India agar mereka dapat memainkan peranan penting dalam pertumbuhan ekonomi negara.
25. PR-1333-L69565
Datuk Sapawi bin Ahmad Wasali [Sipitang] minta **MENTERI DALAM NEGERI** menyatakan sejauh mana keberkesanan langkah dan tapisan yang dilakukan terhadap syarikat-syarikat kawalan keselamatan, untuk memastikan pengawal-pengawal keselamatan diambil adalah sah mengikut undang-undang yang ditetapkan.
26. PR-1333-L69979
Dato' Dr. Mujahid Yusof Rawa [Parit Buntar] minta **PERDANA MENTERI** menyatakan takrif Kelas Pertengahan (*Middle Class*) dalam menentukan dasar-dasar Kerajaan dalam pengagihan ekonomi dan kebajikan rakyat.
27. PR-1333-L70384
Dato' Haji Abdul Rahman bin Haji Mohamad [Lipis] minta **MENTERI KEWANGAN** menyatakan bentuk hukuman yang dikenakan terhadap mana-mana institusi kewangan yang mendedahkan rahsia kewangan seseorang individu.
28. PR-1333-L70371
Tan Sri Datuk Seri Panglima Joseph Pairin Kitingan [Keningau] minta **MENTERI DALAM NEGERI** menyatakan adakah cadangan untuk memindahkan Ibu Pejabat Polis Daerah (IPD) Keningau yang terletak di tengah-tengah bandar Keningau yang semakin sempit ke kawasan yang lain yang lebih luas dan selesa dan sama ada Ibu Pejabat Polis Daerah (IPD) lama boleh dijadikan Balai Polis Sentral untuk memberi perkhidmatan yang lebih efisien kepada masyarakat sekitar bandar Keningau.
29. PR-1333-L70562
Datuk Bung Moktar bin Radin [Kinabatangan] minta **MENTERI KESIHATAN** menyatakan apakah tindakan yang telah dan akan diambil bagi memastikan masalah wabak denggi di seluruh negara dapat diatasi secara total.
30. PR-1333-L71572
Dr. Mansor bin Abd Rahman [Sik] minta **MENTERI KEMAJUAN LUAR BANDAR DAN WILAYAH** menyatakan jumlah Projek Bekalan Elektrik Luar Bandar (BELB) dan Bekalan Air Luar Bandar (BALB) yang telah atau sedang dilaksanakan.

31. PR-1333-L70311
Tuan Che Mohamad Zulkifly bin Jusoh [Setiu] minta **MENTERI SUMBER MANUSIA** menyatakan bilangan mahasiswa yang masih menganggur dan apakah usaha-usaha Kerajaan bagi mengatasi masalah pengangguran para siswazah ini agar perkara ini tidak menjadi beban kepada Kerajaan.
32. PR-1333-L69526
Datuk Jumat bin Idris [Sepanggar] minta **MENTERI KERJA RAYA** menyatakan mengenai pelaksanaan Projek Pan Borneo dan berapakah syarikat tempatan yang diberikan peluang dan nyatakan nama-nama syarikat yang terlibat.
33. PR-1333-L71380
Datuk Liang Teck Meng [Simpang Renggam] minta **MENTERI KESIHATAN** menyatakan apakah statistik di kalangan belia yang telah cuba untuk membunuh diri sejak 5 tahun yang lalu mengikut jantina dan umur serta apakah langkah-langkah yang diambil Kementerian dalam mencegah daripada perbuatan ini serta membantu golongan ini.
34. PR-1333-L69496
Dato' Sri Haji Abdul Azeez bin Abdul Rahim [Baling] minta **MENTERI KEMAJUAN LUAR BANDAR DAN WILAYAH** menyatakan apakah inisiatif Kementerian dalam menyelesaikan masalah air bersih terutamanya di kawasan luar bandar memandangkan isu ini semakin serius hingga memaksa penduduk-penduduk di kawasan bandar menggunakan air dari sungai atau bukit yang bukan sahaja tidak bersih tetapi boleh menjejaskan kesihatan pengguna dengan penyakit merbahaya seperti kencing tikus.
35. PR-1333-L69518
Datuk Dr. Haji Abd. Latiff bin Haji Ahmad [Mersing] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah usaha Kementerian dalam menangani isu pembuangan sampah yang dilakukan oleh pihak yang tidak bertanggungjawab walaupun terdapat undang-undang yang menyekat aktiviti tersebut.
36. PR-1333-L70834
Tuan Gobind Singh Deo [Puchong] minta **MENTERI DALAM NEGERI** menyatakan apakah status siasatan ROS dalam aduan terhadap Parti DAP sekiranya ada dan kenapa siasatan tersebut belum habis lagi.
37. PR-1333-L70451
Datuk Mohd Idris bin Jusi [Batu Pahat] minta **PERDANA MENTERI** menyatakan :-
- (a) apakah beliau sedar adanya pelbagai media cetak dan elektronik antarabangsa yang membina persepsi negatif terhadap Perdana Menteri mengenai pelbagai isu; dan
 - (b) apakah Perdana Menteri bercadang mengambil tindakan undang-undang atau lain-lain tindakan terhadap media berkenaan bagi menjaga nama baik Perdana Menteri dan negara Malaysia.

38. PR-1333-L70434
Tuan Lim Lip Eng [Segambut] minta **MENTERI KEWANGAN** menyatakan hasil kutipan Cukai Barang dan Perkhidmatan (GST) dan statistik aduan yang diterima setakat ini mengikut bulan. Berapa kes berhubung GST telah didakwa di mahkamah.
39. PR-1333-L71245
Tuan Oscar Ling Chai Yew [Sibü] minta **MENTERI KEWANGAN** menyatakan berapakah jumlah cukai yang dikutip melalui GST setakat ini. Adakah Kerajaan sedar bahawa adanya peniaga-peniaga harus meminjam "loan" daripada bank untuk membayar GST.
40. PR-1333-L69610
Dr. Michael Jeyakumar Devaraj [Sungai Siput] minta **MENTERI KESIHATAN** menyatakan mengapa Dato Seri Anwar Ibrahim (DSAI) tidak dihantar untuk fisioterapi seperti disyorkan oleh pakar ortopedik. Adakah benar DSAI tidak dibenarkan menerima rawatan kesakitan bahunya di Hospital Universiti.
41. PR-1333-L69715
Dato' Haji Mohd Zaim bin Abu Hasan [Parit] minta **PERDANA MENTERI** menyatakan adakah Kerajaan mempunyai perancangan untuk menempatkan Suruhanjaya Pencegahan Rasuah Malaysia (SPRM) di bawah bidang kuasa Parlimen bagi membolehkannya lebih bebas dan berkecuali.
42. PR-1333-L70575
Dato' Ahmad Fauzi bin Zahari [Setiawangsa] minta **MENTERI BELIA DAN SUKAN** menyatakan adakah Kementerian bercadang untuk menggunakan pemain naturalisasi bagi membantu menaikkan taraf bola sepak Malaysia di peringkat antarabangsa.
43. PR-1333-L70297
Dato' Mohd Ariff Sabri bin Abdul Aziz [Raub] minta **MENTERI KEWANGAN** menyatakan :-
- (a) senarai nilai bon-bon yang telah diterbitkan oleh 1MDB secara kronologi; dan
 - (b) berapakah nilai hutang yang ditanggung oleh 1MDB sebenarnya dengan nilai ringgit semasa.
44. PR-1333-L70533
Puan Hajah Normala binti Abdul Samad [Pasir Gudang] minta **MENTERI PEMBANGUNAN WANITA, KELUARGA DAN MASYARAKAT** menyatakan statistik jumlah gelandangan yang telah dikenal pasti oleh pihak Kementerian dan tindakan yang telah diambil terhadap mereka serta apakah pendekatan yang dilaksanakan oleh Kementerian bagi menyelesaikan isu gelandangan.
45. PR-1333-L69749
Dato Sri Dr. Muhammad Leo Michael Toyad Abdullah [Mukah] minta **MENTERI KEWANGAN** menyatakan langkah Kerajaan dalam mengawal inflasi dan mempertahankan kadar pinjaman-pinjaman bank dari dinaikkan.

46. PR-1333-L69920
Puan Alice Lau Kiong Yieng [Lanang] minta **PERDANA MENTERI** menyatakan sama ada perkataan seperti "Malaysia Melayu punya", "Cina babi" dan "Hapuskan SJKC" berbaur hasutan dan tindakan ke atas mereka yang melaung-laungkan perkataan tersebut serta kesan terhadap kedudukan orang Sabah dan Sarawak yang mempunyai majoriti bukan Melayu.
47. PR-1333-L69982
Dato' Seri Dr. Wan Azizah binti Wan Ismail [Permatang Pauh] minta **MENTERI DALAM NEGERI** menyatakan status terkini permohonan ekstradisi Sirul Azahar Umar dari Australia untuk menghadapi keadilan di Malaysia. Apakah PDRM bercadang untuk membuka kembali penyiasatan kes pembunuhan Altantuya Shariibu berikutan laporan *Wall Street Journal* yang mendakwa Razak Baginda bertanggungjawab membunuh mangsa.
48. PR-1333-L69519
Datuk Raime bin Unggi [Tenom] minta **MENTERI KEWANGAN** menyatakan pulangan Cukai Barangan dan Perkhidmatan (GST) yang menjurus kepada aliran keuntungan kepada rakyat dan negara sejak ia diperkenalkan dan setakat mana GST berfungsi sebagai satu sistem percukaian global yang lebih telus dan sistematik.
49. PR-1333-L71597
Puan Nurul Izzah binti Anwar [Lembah Pantai] minta **PERDANA MENTERI** menyatakan apakah yang berlaku kepada US\$650 juta yang didakwa dipindahkan ke sebuah akaun kawalan Tanore Finance Corporation, Bank Falcon di Singapura yang akhirnya ditutup menurut laporan Sarawak Report, dan mengapakah wang tersebut dipindahkan ke akaun syarikat sekiranya wang itu merupakan wang derma.

ATURAN URUSAN MESYUARAT DAN USUL-USUL**1. Menteri di Jabatan Perdana Menteri akan mencadangkan :**

“ **BAHAWA** Majlis mengambil maklum berkenaan peristiwa pencerobohan bersenjata di Kampung Tanduo, Lahad Datu pada 12 Februari 2013 oleh kumpulan yang dikenal pasti sebagai pengikut Jamalul Kiram III bagi merampas wilayah di pantai timur Sabah.

BAHAWA pencerobohan kumpulan tersebut ternyata telah mencabar kedaulatan Negara dan telah mengakibatkan kehilangan nyawa anggota keselamatan Negara.

BAHAWA sebagaimana yang telah dilaporkan di laman media sosial dan gambar yang dimuat naik oleh Puteri Jacel Kiram pada 9 November 2015, Yang Berhormat Lembah Pantai telah menghadiri pertemuan bersama dengan Puteri Jacel Kiram yang merupakan anak kepada Jamalul Kiram III.

BAHAWA Yang Berhormat Lembah Pantai sedia maklum bahawa Puteri Jacel Kiram menentang kedudukan Sabah sebagai sebahagian daripada Negara Malaysia dan sehingga kini masih menuntut negeri Sabah adalah milik Kesultanan Sulu.

BAHAWA pertemuan Yang Berhormat Lembah Pantai dan Puteri Jacel Kiram tersebut menimbulkan prasangka negatif dan tidak sensitif terhadap peristiwa pencerobohan Lahad Datu yang telah mencabar kedaulatan Negara.

BAHAWA pertemuan Yang Berhormat Lembah Pantai bersama dengan anak kepada dalang pencerobohan Negara telah dilihat bertentangan dengan angkat sumpah sebagai ahli Parlimen dan sumpah setia beliau kepada Malaysia yang telah berikrar untuk menumpahkan taat setia yang sebenar kepada Malaysia, memelihara, melindungi dan mempertahankan Perlembagaannya.

DAN BAHAWA tindakan Yang Berhormat Lembah Pantai tersebut merupakan suatu penghinaan kepada Majlis Mesyuarat yang turut mencemarkan nama baik dan prestij Dewan Rakyat.

MAKA inilah dipersetujui Yang Berhormat Lembah Pantai hendaklah dirujuk kepada Jawatankuasa Hak dan Kebebasan. ”

- | | | | |
|-----|----------------|--|-------------------------------|
| 2. | (D.R. 32/2015) | Rang Undang-undang Kewangan 2015
[Menteri Kewangan] | Bacaan Kali Yang Kedua |
| 3. | (D.R. 28/2015) | Rang Undang-undang Perbadanan Insurans Deposit Malaysia (Pindaan) 2015 - Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang”
(22 Oktober 2015)
[Menteri Kewangan] | |
| 4. | (D.R. 38/2015) | Rang Undang-undang Majlis Keselamatan Negara 2015
[Menteri di Jabatan Perdana Menteri] | Bacaan Kali Yang Kedua |
| 5. | (D.R. 33/2015) | Rang Undang- undang Tabung Angkatan Tentera (Pindaan) 2015
[Menteri Pertahanan] | “ |
| 6. | (D.R. 36/2015) | Rang Undang-undang Keselamatan Sosial Pekerja (Pindaan) 2015
[Menteri Sumber Manusia] | “ |
| 7. | (D.R. 30/2015) | Rang Undang-undang Syarikat 2015
[Menteri Perdagangan Dalam Negeri, Koperasi dan Kepenggunaan] | “ |
| 8. | (D.R. 29/2015) | Rang Undang-undang Skim Kepentingan 2015.
[Menteri Perdagangan Dalam Negeri, Koperasi dan Kepenggunaan] | “ |
| 9. | (D.R. 34/2015) | Rang Undang-undang Dadah Berbahaya (Langkah-Langkah Pencegahan Khas) (Pindaan) 2015.
[Menteri Dalam Negeri] | “ |
| 10. | (D.R.35/2015) | Rang Undang-undang Persaingan (Pindaan) 2015
[Menteri Perdagangan Dalam Negeri, Koperasi dan Kepenggunaan] | “ |

11. (D.R. 37/2015) Rang Undang-undang Profesion “
Undang-undang (Pindaan) 2015
[Menteri di Jabatan Perdana Menteri]
12. (D.R. 39/2015) Rang Undang-undang Kanak-Kanak “
(Pindaan) 2015
**[Menteri Pembangunan Wanita,
Keluarga dan Masyarakat]**
13. (D.R.9/2015) Rang Undang-undang Kanun Tatacara “
Jenayah (Pindaan) 2015
[Menteri di Jabatan Perdana Menteri]
14. (D.R.12/2015) Rang Undang-undang Keterangan “
(Pindaan) 2015
[Menteri di Jabatan Perdana Menteri]
15. (D.R.24/2014) Rang Undang-undang Dadah Berbahaya “
(Pindaan) (No. 2) 2014
[Menteri Kesihatan]

16. **Menteri Kewangan akan mencadangkan :**

“ Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 56, subseksyen (5) Seksyen 17 dan subseksyen (3) Seksyen 18, Akta Cukai Barang dan Perkhidmatan 2014 supaya Perintah Cukai Barang dan Perkhidmatan yang dibentangkan di hadapan Majlis ini sebagai Kertas Statut bil. ST.83, ST.84 dan ST.85 bagi tahun 2015 disahkan ”.

17. **Menteri Kewangan akan mencadangkan :**

“ Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 11 Akta Kastam 1967 supaya Perintah Duti Kastam yang dibentangkan di hadapan Majlis ini sebagai Kertas Statut bil. ST.97, ST.98, ST.99, ST.100, ST.104 dan ST.105 bagi tahun 2015 disahkan ”.

18. **Menteri Kewangan akan mencadangkan :**

“ Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 6 Akta Eksais 1976 supaya Perintah Duti Eksais (Pindaan) 2015 yang dibentangkan di hadapan Majlis ini sebagai Kertas Statut bil. ST.118 tahun 2015 disahkan”

19. PR-1333-U69963

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa sejak akhir-akhir ini, dan Gerakan Sabah-Sarawak keluar Malaysia (SSKM) kian mendapat perhatian dan sokongan dari sebilangan kecil rakyat dari kedua-dua negeri ini. Bahawa Dewan ini mengambil maklum bahawa, terdapat rungutan-rungutan di kalangan rakyat negeri Sabah dan Sarawak dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau tidak ditunaikan. Dan mengambil maklum juga, antara isu utama yang disuarakan dalam rungutan ini adalah banjir pendatang asing ke negeri Sabah dan di tambah buruk pula dengan pemberian status warga Negara kepada mereka ini. Dan mengambil maklum juga bahawa, setiap kali isu 20 perkara (bagi Negeri Sabah) dan 16 perkara (bagi Negeri Sarawak) dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai satu tahap di mana mereka secara terbuka mengelarkan diri mereka sebagai aktivis Sabah-Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan Undang-undang semata-mata untuk menghalang mereka ini bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan keadaan lagi di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak perihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka yang mengelarkan diri mereka sebagai SSKM ini.”

[Menteri Dalam Negeri]

20. PR-1333-U69964

Datuk Dr. Makin @ Marcus Mojigoh [Putatan] akan mencadangkan:-

“Bahawa Dewan ini mengambil maklum bahawa, terdapat rungutan-rungutan di kalangan rakyat bahawa sejak akhir-akhir ini, perpaduan, keharmonian, kesejahteraan dan kerjasama antara rakyat negara ini yang terdiri dari berbilang kaum dan agama telah terhakis. Dan mengambil maklum juga, antara isu utama menyebabkan perkara ini berlaku kerana terdapat golongan tertentu yang memainkan isu bangsa dan agama sewenang-wenangnya serta rakyat merasakan tidak ada tindakan tegas yang diambil bagi menangani masalah ini. Dan mengambil maklum juga bahawa, Perhimpunan Bersih 4 dan Perhimpunan Rakyat Bersatu baru-baru ini telah menanamkan bibit kebencian serta syak wasangka antara kaum di negara ini. Dan mengambil maklum juga bahawa,

Rukun Negara sebagai tonggak perpaduan, keharmonian, kesejahteraan dan kerjasama antara rakyat negara ini secara tidak langsung tidak lagi dihormati dan dipatuhi. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara Holistik termasuklah menjemput dan mendengar rungutan mereka ini. Kerajaan juga hendaklah menguatkuasakan segala peruntukan Undang-undang yang ada bagi menghalang mana-mana demokrasi atau perjumpaan umum yang membangkitkan isu bangsa dan agama, yang boleh menggugat perpaduan, keharmonian, kesejahteraan dan kerjasama antara rakyat negara ini."

[Perdana Menteri]

21. PR-1333-U69965

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, terdapat laporan mengatakan bahawa operasi bot lautan dalam yang beroperasi di negara ini tidak mendatangkan faedah kepada negara ini secara total. Dan mengambil maklum juga, antara isu utama yang disuarakan dalam laporan ini adalah, para pengusaha bot lautan dalam ini menjual minyak diesel bersubsidi kepada bot-bot asing. Dan mengambil maklum bahawa, terdapat juga laporan bahawa tangkapan bot lautan dalam ini dijual kepada nelayan asing yang menawarkan harga yang lebih baik. Dan mengambil maklum juga bahawa, kedua-dua aktiviti yang disebutkan ini telah mendatangkan kerugian yang besar kepada negara ini, sama ada dari segi subsidi diesel mahupun dari segi tangkapan hasil lautan di negara ini dijual ke negara asing.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu sistem kawalan yang bersepadu bagi memastikan bahawa semua diesel bersubsidi digunakan dengan niat asal serta tangkapan tersebut hendaklah dipasarkan di negara ini."

[Menteri Pertanian dan Industri Asas Tani]

22. PR-1333-U69966

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, isu 1MDB telah mencemarkan nama baik Kerajaan dan Negara Malaysia pada umumnya. Dan mengambil maklum juga, isu 1MDB telah sedikit sebanyak menghakis kepercayaan pelabur asing kepada Sistem Pelaburan di Negara ini. Dan mengambil maklum juga bahawa, isu 1MDB telah disensasikan melalui media sosial, media elektronik dan media asing dengan sewenang-wenangnya yang menggambarkan bahawa

syarikat milik Kerajaan ini hampir muflis dan liabilitinya perlu ditanggung oleh Kerajaan. Dan mengambil maklum juga bahawa, hasil daripada kemuskilan ini, rakyat pada umumnya mempersoalkan cara kerja Kerajaan mentadbir 1MDB sehingga mengalami kerugian yang besar dan terpaksa menanggung liability 1MDB. Maka, bagi menangani masalah ini, Dewan Yang Mulia ini hendaklah mengambil ketetapan bahawa, Kerajaan hendaklah memperjelaskan secara terperinci mengenai model perniagaan 1MDB kepada umum agar satu gambaran yang telus dapat mereka perolehi serta mengembalikan kebolehppercayaan rakyat kepada Kerajaan masa kini.”

[Menteri Kewangan]

23. PR-1333-U70485

Tuan Ng Wei Aik [Tanjong] akan mencadangkan:-

“Bahawa Dewan Rakyat ini mengambil ketetapan untuk mengutuk Perhimpunan Rakyat Bersatu yang diadakan pada 16 September 2015 yang sifatnya berbaur perkauman serta bertujuan mengapi-apikan sentimen perkauman, termasuk menuntut supaya sekolah-sekolah Cina ditutup, menggelar anggota-anggota polis yang bertugas sebagai “barua Cina”, cuba menimbulkan kekecohan di Jalan Petaling serta mempersoalkan keperluan “Little India” diwujudkan dan tindakan-tindakan yang sewajarnya harus diambil terhadap pihak penganjur dan pihak-pihak yang harus bertanggungjawab.”

[Menteri Dalam Negeri]

24. PR-1333-U70272

Tuan M. Kulasegaran [Ipoh Barat] akan mencadangkan:-

“Bahawa Dewan ini mengambil maklum demi kepentingan negara dan masyarakat sejagat pandangan serius terhadap kestabilan ekonomi dan kemajuan negara harus diberi perhatian sepenuhnya. Oleh yang demikian Dewan ini perlu mengambil maklum mengenai perkara ini dan mengarahkan Kerajaan untuk mengatasi masalah ini.”

[Perdana Menteri]

25. PR-1333-U70255

Dr. Tan Seng Giaw [Kepong] akan mencadangkan:-

“Bahawa Menteri Kewangan membincangkan cara-cara yang diambil untuk mempertahankan nilai ringgit.”

[Menteri Kewangan]

26. PR-1333-U70256

Dr. Tan Seng Giaw [Kepong] akan mencadangkan:-

“Bahawa Menteri Sumber Asli dan Alam Sekitar mendebatkan masalah jerebu di rantau in.”

[Menteri Sumber Asli dan Alam Sekitar]

27. PR-1333-U71552

Tuan Fong Kui Lun [Bukit Bintang] akan mencadangkan:-

“Bahawa Kerajaan mempergiatkan usaha untuk menyatu padukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia.”

[Perdana Menteri]

28. PR-1333-U71553

Tuan Fong Kui Lun [Bukit Bintang] akan mencadangkan:-

“Bahawa Kerajaan memulihkan pilihan raya Kerajaan Tempatan seluruh negara supaya urus tadbir Kerajaan menjadi cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat.”

[Menteri Kesejahteraan Bandar, Perumahan dan Kerajaan Tempatan]

29. PR-1333-U69805

Dato' Kamarudin bin Jaffar [Tumpat] akan mencadangkan:-

“Bahawa Dewan ini memutuskan untuk Malaysia menerima masuk, memberi perlindungan dan akhirnya memberikan taraf kewarganegaraan kepada 1000,000 orang rakyat negara Syria daripada jutaan orang yang sekarang menjadi pelarian di Turki dan Eropah.”

[Perdana Menteri]

30. PR-1333-U69806

Dato' Kamarudin bin Jaffar [Tumpat] akan mencadangkan:-

“Bahawa Dewan ini merakamkan perasaan sedih dan kecewa bahawa perjalanan kerja-kerja Jawatankuasa Kira-kira Wang Negara (PAC) telah tergendala oleh beberapa sebab dan dengan ini memutuskan untuk meminta Tuan Yang di Pertua Dewan Rakyat dengan segera melicinkan semula perjalanan Jawatankuasa itu.”

[Perdana Menteri]

31. PR-1333-U69807

Dato' Kamarudin bin Jaffar [Tumpat] akan mencadangkan:-

“Bahawa Dewan ini amat tidak berpuas hati dengan kemajuan pembinaan rumah-rumah untuk mangsa banjir negeri Kelantan. Oleh itu Dewan ini mendesak Kerajaan Pusat berusaha dengan lebih gigih lagi bersama dengan Kerajaan Negeri Kelantan untuk melipatgandakan usaha pembinaan rumah-rumah tersebut.”

[Perdana Menteri]

32. PR-1333-U70769

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, hubungan antara kaum mutakhir ini makin meruncing dan jika tidak dibendung akan mencapai tahap amat merbahaya dan akibatnya negara akan hancur seperti yang terjadi di negara-negara lain yang sedang bergolak akibat isu perkauman. Bila rakyat Malaysia berbangsa Dayak, Kadazan, Orang Asal, Cina, Melayu, Jawa, Bugis atau apa suku kaum sekalipun mengkritik dan mempersoalkan hal tatakelola Negara dan kepimpinan Perdana Menteri dan Kabinetnya, rakyat tidak mempersoalkan ras Perdana Menteri. Rakyat mempersoal Perdana Menteri atas kapasiti beliau sebagai Ketua Eksekutif Negara. BERSIH 4.0 menganjurkan demo jalanan kerana mendesak Perdana Menteri memberi jawapan kepada banyak persoalan yang tidak terjawab. Soal 1MDB, Derma RM 2.6 bilion, Pertukaran Pegawai-pegawai SPRM, Penamatan khidmat Tan Sri Gani Patail sebagai Pendakwa Raya, pembebasan Abdul Razak Baginda yang rapat dengan Perdana Menteri dalam kes pembunuhan Altantuya Shaaribuu yang amat memalukan negara dan banyak lagi isu yang amat-amat mendesak yang tidak dijawab oleh Perdana Menteri secara meyakinkan. Untuk itu Kerajaan mesti membezakan mengkritik Perdana Menteri bukan mengkritik bangsa Perdana Menteri tetapi kerana Perdana Menteri adalah Ketua Eksekutif Negara yang sememangnya boleh dikritik yang dibenarkan oleh sistem pemerintahan yang diamalkan di negara ini.”

[Perdana Menteri]

33. PR-1333-U70770

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, bila UMNO dan NGO yang menyokong UMNO menganjurkan demo jalanan bertemakan Himpunan Maruah Melayu pada 16 September 2015 yang kemarahan disasarkan kepada rakyat kaum Cina, yang dikatakan mendominasi Himpunan BERSIH 4.0 pada 29 dan 30 Ogos 2015, penganjur memilih kaum Cina sebagai fokus serangan. Penganjur membawa posters dan banners tertulis kata-kata provokasi dan perkauman yang amat merbahaya seperti “Ini Tanah Melayu, Cina boleh keluar”. “Bawa parang dan keris. Tetak Cina. Umno perlukan anda”. Sedangkan yang keluar di jalanan pada 29 dan 30 Ogos 2015 rakyat dari berbagai kaum termasuk Melayu dan Bumiputera yang lain. Kaum lain selain Cina juga menyuarakan perasaan tidak puas hati mereka terhadap Perdana Menteri.

Di mana yang dikatakan Cina menghina Melayu dan Maruah Melayu dicabar. Kerajaan mesti berjiwa besar. Walaupun Kerajaan Barisan Nasional diterajui oleh UMNO dan Melayu tetapi rakyat negara ini terdiri dari berbagai bangsa yang wajib dilindungi dan dihormati.”

[Perdana Menteri]

34. PR-1333-U70772

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, penyakit Denggi akibat jangkitan nyamuk di Malaysia telah mencapai satu tahap yang merbahaya. Lebih parah kematian akibat penyakit ini sudah diterima sebagai satu yang lumrah dan tidak ada rasa bersalah oleh pemerintah. Kerajaan sepatutnya menubuhkan satu institusi khas bagi melawan wabak ini dengan memberikan peruntukan kewangan yang secukupnya serta membekalkan berbagai pakar bagi menjadikan institusi ini betul-betul memberi tumpukan dan perhatian kepada masalah yang begitu lama tidak dapat diselesaikan. Malaysia mesti memainkan peranan utama dan boleh menjadi juara dalam memerangi penyakit ini bukan sahaja di rantau ini malah di dunia. Kerajaan mesti serius dan komited dalam hal ini.”

[Menteri Kesihatan]

35. PR-1333-U70774

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, Kementerian Belia dan Sukan banyak memberi tumpuan kepada pembangunan sukan tetapi meninggalkan pembangunan belia di belakang. Setiap tahun ribuan anak-anak Malaysia yang keluar dari sekolah dan ramai yang tidak melanjutkan pelajaran ke pengajian tinggi atas berbagai sebab dan alasan. Akibat tidak ada program wajib yang mesti diikuti dan disertai oleh mereka, mereka menjadi satu eset yang amat bernilai yang terbiar dan tidak dimanfaatkan sepenuhnya. Adalah dicadangkan anak-anak ini, didaftarkan dan diwajibkan menyertai Khidmat negara selama dua tahun seperti yang dilakukan dikebanyakkan negara. Semasa dalam program ini, pilih dua atau tiga bidang ilmu yang boleh memberi menafaat berterusan bila mereka tamat program nanti. Sebagai contoh, ilmu motor mekanik dan elektrik. Selepas dua tahun mereka boleh berdikari dan bantuan susulan boleh diusahakan. Untuk memastikan program ini berjaya ianya mesti dilaksanakan sebagai program wajib dan dikembangkan dengan elemen ketenteraan.”

[Menteri Belia dan Sukan]

36. PR-1333-U70776

Dato' Johari bin Abdul [Sungai Petani] akan mencadangkan:-

“Bahawa Dewan ini mengambil maklum, kegiatan merempit oleh anak-anak muda khususnya anak Melayu amat memalukan bangsa dan Kerajaan. Kerajaan seolah-oleh tidak ada jawapan pada permasalahan ini. Mereka yang merempit bukan sahaja membahayakan nyawa mereka juga nyawa orang awam. Adalah dicadangkan pihak polis menggunakan anggota Cawangan Khas bagi meninjau dan kenal pasti ketua kumpulan ini dan menahan mereka atas undang-undang yang sedia ada. Penahanan mereka hendaklah dihebahkan dalam akhbar dan media elektronik. Menahan mereka untuk beberapa malam di lokap dan jika ada bukti yang cukup mendakwa mereka di mahkamah akan menghantar mesej yang jelas bahawa kegiatan mereka amat merbahaya dan amat dibenci oleh masyarakat. Ini mesti dilakukan secara konsisten bukan berkala.”

[Menteri Dalam Negeri]

37. PR-1333-U70806

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gegaja pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama.”

[Menteri Kesejahteraan Bandar, Perumahan dan Kerajaan Tempatan]

38. PR-1333-U70808

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan.”

[Menteri Dalam Negeri]

39. PR-1333-U70809

Tuan Manivanan a/l Gowindasamy [Kapar] akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

[Menteri Pendidikan]

40. **Dato’ Seri Dr. Wan Azizah binti Wan Ismail [Permatang Pauh]** akan mencadangkan :-

“Bahawa Dewan ini tidak ada kepercayaan terhadap Yang Amat Berhormat Pekan Dato’ Seri Najib Tun Razak sebagai Perdana Menteri Malaysia.”

[Perdana Menteri]

41. **Tuan Gobind Singh Deo [Puchong]** akan mencadangkan :-

“Bahawa mengikut Peraturan Mesyuarat 43 dibaca bersama Peraturan Mesyuarat 99 Peraturan-Peraturan Majlis Mesyuarat Dewan Rakyat, Dewan Yang Mulia ini mengkaji semula dan mengenenpikan keputusan Yang di-Pertua YB Dato Seri Dr. Ronald Kiandee, yang membenarkan usul untuk menggantung Yang Berhormat Tuan Lim Kit Siang, Ahli Parlimen Gelang Patah daripada Perkhidmatan sebagai Ahli Parlimen selama 6 bulan dibahas tanpa rujukan dibuat kepada Jawatankuasa Hak dan Kebebasan sepertimana menurut Peraturan 80A Peraturan-Peraturan Majlis Mesyuarat.”

[Perdana Menteri]

42. **Tuan Mohd Rafizi bin Ramli [Pandan]** akan mencadangkan :-

“Bahawa Dewan ini menggesa supaya Tenaga Nasional Berhad hanya membayar jumlah yang sepadan dengan nilai pasaran aset-aset *Independent Power Producers* (IPP) yang dimiliki oleh 1MDB dan Dewan berpendapat bahawa harga siling mengikut nilai pasaran bagi aset-aset itu adalah Ringgit Malaysia Lapan Bilion (RM8,000,000,000) sahaja”.

[Menteri Kewangan]

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2015</u>	<u>RISALAT/DOKUMEN</u>	<u>TARIKH DIBENTANGKAN</u>
ST.121	Laporan Tahunan dan Penyata Kewangan Kumpulan Wang Biasiswa Pengajian Tinggi Raja-Raja dan Yang di-Pertua- Yang di-Pertua Negeri Bagi Tahun 2014	3 Disember 2015
ST.171	Laporan Tahunan dan Penyata Kewangan Pihak Berkuasa Wilayah Pembangunan Iskandar (IRDA) Bagi Tahun 2014	3 Disember 2015
ST.172	Laporan Tahunan dan Penyata Kewangan Majlis Pembangunan Wilayah Ekonomi Pantai Timur (ECERDC) Bagi Tahun 2014.	3 Disember 2015
ST.177	Laporan Tahunan dan Penyata Kewangan Perbadanan Aset Keretapi (PAK) Bagi Tahun 2014	3 Disember 2015
ST.178	Laporan Tahunan dan Penyata Kewangan Institut Keselamatan Jalan Raya Malaysia (MIROS) Bagi Tahun 2014	3 Disember 2015
ST.179	Laporan Tahunan dan Penyata Kewangan Lembaga Perindustrian Nanas Malaysia (LPNM) Bagi Tahun 2014	3 Disember 2015
ST.182	Laporan Tahunan dan Penyata Kewangan Lembaga Kemajuan Ikan Malaysia (LKIM) Bagi Tahun 2014	3 Disember 2015
ST.191	Laporan Tahunan dan Penyata Kewangan Suruhanjaya Persaingan Malaysia (MyCC) Bagi Tahun 2014	3 Disember 2015
ST.193	Laporan Tahunan dan Penyata Kewangan Pihak Berkuasa Pembangunan Tenaga Lestari Bagi Tahun 2014	3 Disember 2015

<u>TAHUN</u> <u>2015</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
ST.194	Laporan Tahunan dan Penyata Kewangan Suruhanjaya Tenaga Bagi Tahun 2014	3 Disember 2015
ST.195	Laporan Tahunan Dan Penyata Lembaga Penyelidikan Dan Pembangunan Perhutanan Malaysia Bagi Tahun 2014	3 Disember 2015